

杭州故书
杭掌丛

南宋临安两志



杭州掌故丛书

南宋临安两志

浙江人民出版社



南宋临安两志

乾道临安志

〔宋〕周 淙撰

淳祐临安志

〔宋〕施 谔撰

浙江人民出版社出版
(杭州武林路 196 号)

浙江新华印刷厂印刷
(杭州环城北路天水桥堍)

浙江省新华书店发行

开本850×1168 1/32 印张6.75 字数140,000 印数0,001—5,000
1983年1月第1版 1983年1月第1次印刷

统一书号：11103·72

定 价：0.66 元

出版说明

浙江地方志中的南宋临安三志（《乾道临安志》、《淳祐临安志》、《咸淳临安志》），不但对于研究南宋时杭州（当时称临安）的情况，而且对于研究整个南宋的经济、文化和社会风貌来说，都有参考价值。这次出版的是其中的乾道、淳祐两志，系根据嘉惠堂《武林掌故丛编》本标点付排，因为篇幅不多，故放在一起，合称《南宋临安两志》。

《乾道临安志》，（宋）长兴周淙撰。乾道五年（1169年），周淙以右文殿修撰知临安府（今杭州），创为此志。原本凡十五卷，今存一至三卷。卷一记宫阙、官署，题曰“行在所”，以别于郡志。卷二记沿革、星野、风俗、州境、城社、户口、廨舍、学校、科举、城市、界分、桥梁、物产、土贡、税赋、仓场、馆驿，并附以亭台、楼观、阁轩等。卷三记自三国吴至宋乾道间诸牧守。《四库总目提要》称：“其书虽残缺不完，而于南宋地志中为最古之本，考武林掌故者，要必以是书称首焉。”

《淳祐临安志》，（宋）施谔撰，修于南宋淳祐十二年（1252年），卷数已无可考，亦不见著录。清嘉庆间，陈仲鱼得残本，存卷五至卷十。其中叙城府者三卷，叙山川者三卷。阮元《四库未收书目题要》称它“与乾道、咸淳二志备载南宋数朝掌故，藉补史传之遗，皆未可以残缺废。”

浙江人民出版社

一九八二年四月

目 录

乾道临安志..... 1

淳祐临安志.....79

四库全书总目

乾道临安志三卷

浙江孙仰曾家藏本

宋周淙撰。淙字彦广，湖州长兴人，乾道五年，以右文殿修撰，知临安府，创为此志。原本凡十五卷，见《宋史·艺文志》。其后淳祐间施锸、咸淳间潜说友，历事编纂，皆有成书，今惟潜志尚存钞帙，周、施二志，世已无传。此本为杭州孙仰曾家所藏宋槧本，卷首但题作临安志，而中间称高宗为光尧太上皇帝，称孝宗为今上，纪牧守至淙而止，其为乾道志无疑。惟自第四卷以下，俱已缺佚，所存者仅十之一二，为可惜耳。第一卷纪宫阙官署，题曰行在所，以别于郡志，体例最善，后潜志实遵用之。二卷分沿革、星野、风俗、州境、城社、户口、廨舍、学校、科举、军营、坊市、界分、桥梁、物产、土贡、税赋、仓场、馆驿等诸子目，而以亭台、楼观、阁轩附其后，叙录简括，深有体要。三卷纪

自吴至宋乾道中诸牧守，详略皆极得宜。淙尹京时，撩湖浚渠，颇留心于地利，故所著述，亦具有条理。今其书虽残缺不完，而于南宋地志中为最古之本，考武林掌故者，要必以是书称首焉。

临 安 志 卷 第 一

行 在 所

宫 阙 门附

大内，在凤凰山之东，以临安府旧治子城增筑。南曰丽正门。门外建东西阙亭、百官待漏院。北曰和宁门。门外建百官待漏院。东曰东华门。建炎中，车驾南巡，驻蹕于此。绍兴七年二月，降诏巡幸建康府。绍兴八年三月，移蹕临安府，下诏曰：“昔在光武之兴，虽定都于洛，而车驾往返，见于前史者非一，用能奋扬英威，递行天讨，上继隆汉，朕甚慕之。朕荷祖宗之休，克绍大统，夙夜危惧，不常厥居。比者巡幸建康，抚绥淮甸，既已申固边圉，奖率六军，是故复还临安，内修政事，缮治甲兵，以定基业，非厌霜露之苦，而图宫室之安也。故兹诏谕，想宜知悉。”

德寿宫，在望仙桥之东。宫门外有百官待漏院。绍兴三十二年六月四日，奉圣旨，以德寿宫为名。是月十一日，光尧寿

圣太上皇帝降诏，退处是宫。其日今上皇帝登宝位。

皇子府

庆王府

恭王府

右在德寿宫北。

宗 庙 櫓宫附

太庙，在瑞石山之左。

景灵宫，在新庄桥之西。崇裡馆道院在宫之南。

安穆安恭皇后櫓宫，在钱湖门外三里修吉寺。

庄文太子櫓所，在钱湖门外二里宝林院。

郊 社

圜坛，在嘉会门外以南四里，三岁一郊天。熙成殿在坛侧

太社太稷坛，在观桥东北，每岁春秋祀社稷。

九宫坛，在东青门外一里，岁祀九宫贵神。籍田先农坛，在嘉会门外以南四里玉津园之南。绍兴十五年十一月十七日，诏以来岁之春，祇拔青坛，亲载黛耜，躬三推之礼，以风示于四方。明年孟春二十有二日，太上躬耕籍田，礼成。自后岁祀先农于此。

高禡坛，在嘉会门外以南四里龙华寺，岁祀高禡。

三 省

尚书省_{六部}

中书省_{后省}

门下省

枢密院_{承旨司}以上在和宁门外之北。

台 阁

龙图、天章、宝文、显谟、徽猷、敷文阁，在和宁门里。

御史台，在清河坊之西。

秘书省，在天井巷之东。

光尧太上皇帝御书右文殿曰：右文之殿，门曰：右文殿门。

实录院

日历所

右附于秘书省。

学 校

太学。绍兴十二年四月二十一日，奉圣旨：太学养士，权于临安府府学措置，增展其格法，令礼部讨论。继而于前洋街建立。十四年三月己巳，光尧太上皇帝祇谒先圣，止辇于大成殿门外，降登步趋，执爵奠拜，注视貌像，翼

翼钦慕。复幸太学，御敦化堂，颁手诏，示乐育详延之诚意。命国子司业高闾讲《周易》“泰卦”，赐群臣、诸生坐，垂听讲说，首肯者再三。复迁玉趾，俯临养正、持志二斋，顾瞻生徒肄业之所，徘徊久之，始命驾言还。乾道五年，奉圣旨：令两浙转运司、临安府重修殿宇。

光尧太上皇帝御书至圣文宣王庙曰：大成之殿，门曰大成殿门。

光尧太上皇帝御书御书阁牌曰：首善之阁，藏光尧太上皇帝御书石经。

敦化堂。米友仁被旨书。

斋舍

服膺	提身	守约	习是
养正	存心	节性	持志
率履	诚意	经德	允照
循理	时中	惇信	果行
务本	贯道	观化	立礼

武学，在前洋街。绍兴十六年四月初二日，奉圣旨：令兵部讨论武士弓马及试选去留格法，申尚书省。二十六年，奉圣旨：令礼、兵部检会祖宗以来武学养士典故施行。乾道五年，奉圣旨：令两浙转运司、临安府重修殿宇。昭烈武成王殿

敦阅堂

斋舍

受成	贵谋	辅文	中吉
经远	阅礼		

诸王宫大小学，在睦亲宫之右。

贡院，在观桥之西。

别试所，在贡院之侧。

经 筵

讲筵所

资善堂

讲筵阁

以上并在禁中。

宫 观

太一宫，在新庄桥之南。崇真馆道院在宫之南。

万寿观，在新庄桥之西。晨华馆道院在观之东。

四圣延祥观，在孤山。绍兴十六年建，二十年赐今额。道院在观之北。

三茅宁寿观，在城中七宝山。绍兴十六年赐今额。

显应观，绍兴十九年于龙山西建立，二十四年徙于涌金门外灵芝寺之右。

旌忠观，绍兴元年，宣抚处置使张浚札子：“据吴玠陈请，陕西出兵，自来祈祷三圣，屡获显应，乞于凤翔府和尚原立庙，赐旌忠庙额，封忠烈灵应王、忠显昭应王、忠惠顺应王”。三年，张俊、杨存中、郭仲荀，用已俸于临安府踏道桥东立庙。绍兴十九年，改赐观额。三十二

年，徙于觉苑寺故基。

庙 宇

祚德庙，在车桥西。绍兴二十二年二月二十一日奉圣旨：令两浙转运司盖造。

苑 囿

玉津园，在龙山之北。

聚景园，在清波门外。

院

谏院，在三省后。

学士院，在和宁门里。

登闻检院，在丽正门外。

登闻鼓院，在丽正门外。

官告院，在尚书吏部中门。

都进奏院，在朝天门外。

诸司粮料院，在寿域坊之北。

诸军粮料院，在寿域坊之北。

文思院上下界，在北桥之东。

车辂院，在嘉会门外。

骐驎院，在紫坊岭下。

六房院，在三桥之西。

五房院，在红桥之西。

所

玉牒所，在朝天门之南。

敕令所，旧在天井巷，今徙于朝天门之南。

军器所，在祥符寺之东。

三 衙

殿前司，在八盘岭南。

侍卫马军司，在天庆坊。

侍卫步军司，在铁冶岭。

寺 监

太常寺，在天井巷。旧敕令所。

宗正寺。附于大宗正司。

大理寺，在仁和县西。

司农寺，在市南坊之北。

太府寺，在通江桥之东。

国子监，事具学校。

将作监，在修文坊。

军器监，在修文坊。

司

大宗正司，在睦亲坊。

军头引见司，在文思院后。

左右金吾衙仗司，在吴山。

诸司审计司，在净因坊之北。

诸军审计司，在净因坊之北。

牛羊司，在榷货务后。

排岸司，在武学相对。

内 诸 司

阁门 客省四方馆

右在和宁门外。

入内内侍省

禁卫所

皇城司

御药院

御辇院

内东门司

御前马院

修内司

翰林院天文局、医官局、钟鼓院隶焉。

通进司

御厨

翰林司	仪鸾司
合同凭由司	后苑
内藏库	内军器库
御酒库	

右并在禁中。

仓

省仓上界，在天水院桥之北。

省仓中界，在仁和县桥之东。

省仓下界，在余杭门外九里。

丰储仓，在东青门外三里。

场

榷货务都茶场，在通江桥之东。

杂买务杂卖场，在通江桥之西。

草料场，在天水院桥之北。

糯米粢场，在德胜桥之北。